

آبونه شرائطی

ممالک عثمانیہ ۱۸۷۵ء سنہ لکھی (۶۵) ، التي
آیلغی (۳۵) غروشدر .
ممالک اجنبیہ ۱۸۷۱ء سنہ لکھی (۱۷) ، التي
آیلغی (۹) فرانقدر .

اداره خانه

باب عالی جاده سنده اورخان بلكه خاننده
نومرو ۲۳-۲۶

اخطارات

آبونه بدلی پیشیندر .

§

مشالکه موافق آثار مع الممنونیه قبول
اولنور . درج ایدیلمهین یازیلر
اعاده اولوماز .

الکلیت

سیر () ۳۳۱

اخطارات

رساله مزدن آلتدیغی کون-ترلمک شرطیله
بتون یزیلر هر هانکی رغزته طرفندن
اقتباس اولونه یییر .

§

مکتوبلرک ، امضارک واضح و
ارقوناقلی اولسی و آبونه صره
نومروسنی محتوی بولونسی لازمدر .

§

ممالک اجنبیه بچون آبونه اولانلرک
آدرس لرینک فرانسز سرده یازلمسی
رجا اولنور .

§

اون آبونه قید ایدن ذاته بر آبونه
مجاناً تقدیم اولنور .

اتبعون اهدکم سبیل الرشاد

دینی ، علمی ، ادبی ، سیاسی هفته لقی مجموعه اسلامیہ در

والله یهدی من یشاء الی صراط مستقیم

صاحب و مدیر مسئول : ع . اشرف ادیب

جلد ۲ - ۹

صفر ۲۹ ۱۳۳۱ پنجشنبه ۲۴ کانون ثانی ۱۳۲۸

عدد ۴۸ - ۲۳۰

صوك ضربه يی اور مقدر. قلبی حب وطنله لرزان، ناصیه سی نور ایمانله درخشان، شجاعت و بسالتلری معروف جهان اولان اولاد اکرادک وسائر آرزوایدن وطنپرورانک (وجاهدوا....) امر جلیله اتباعاً سرحد طوغری قوشا- جقزلندن امینم....»

کردستان اشرافندن «بدرخانی آرزوی» حضر تلری طرفندن کردله خطاباً یازیلان دعوتنامه دن :

رهالهمرا فی سبیل الله ...

شجیع وقهرمان کردلر! بیلکزه مسلمانلغک طایاندینی اک متین دیرکلردن بری ده سزسکز. مسلمانلغک، عثمانیلغک کرداکک الدن کیتمک اوزره بولندی و دین دشمنلرینک پایتختیزک اطرافنی صاردینی بوکونلرده بابایکیت، مرد، آرسلان کردلر راحت دوشکندنه یانامازلر!... هایدی، هپ برابر دینک، وطنک امدادینه قوشهلم، دشمنلرمنه کردلرک نه قهرمان وطن مدافعی، نه کوچلی قوتلی آدملر اولدیغنی کوسترلم، اللهمک امرینی پرینه کتیرهلم، دین و وطن اوغورنده جهاد ایدلم... یکیت کردلر، ای بیلکزه دین ده، وطن ده، تورک ده، عربده، کرده تهلکه ده در، هرشی تهلکه ده در، قلنجلرمن بوکونده شاقیردامازسه آرتق هیچ برزمان قینندن چیقمايه جقدر. برکره اسلامیت محو اولورسه نه کرد قالیر، نه عرب، نه چرکس، نه ده تورک!... اسلاملق ووطنمز بوکونکی صیغنتی یی هیچ کورمه مش ایدی. وطنی قورتارمق وطن اوغورنده سوبنه سوبنه دوکوشوب غازی ویا شهید اولمق هیمزک اوزرینه فرض عیندر. هایدی کردلر! هپ بردن کورمه مش آرسلانلر کبی دشمنلرمنه هجوم ایدلم. البته بویله برجهادده اولمک دشمنک، آياغنی آلتنده چیکننه جک عزیز وسوکیلی وطنمزک دوشکونلکنی، اولومنی کورمکدن بیک کره خیرلیدر.

ولایاتده مدافعه ملیه تظاهراتی :

سبیل الرشاد غزته سی واسطه سید مقام صدارته

۲۲ کانون ثانی، کنج — حرب بیاننامه لرله نیت ومقاصدلرینی اعلام وروم ایلنده کی خون پاک مسلمینی اراقه، ناموس عصمتی هتک صورتیه اظهار ایدن اعدانک صولتی، تعبیر صریحیه صلیک هلالی محو ایتک املندن عبارت اولان تهاجاتی، عالم اسلام ایچون دوره انتباهک حلول ایتدیکنی اثبات ایتدی. ائتلاف مثلثک معاونه یله اسلاملره روا کوریلان مظلله نهایت ویردیرمک؛ دینزی مقدساتی قورتامق ایچون مالاً جاناً دارالحربه شتابه مهیایز. تشکیلاتنه مساعده بیوریلورسه صنوف مختلفه عسکریه دن ماعدا کردسانده درتیوز قدر کوللی طاووری احضاری تخمین اولنیور. بوکتله شجیعنه ک برانتظام آلتنه آلتیق واحتیاجلری تهوین ایدلمک ایچون حکومتیزک رهبرلکنه مقدردر. اکر بعیدت مسافه و موسم حسیه درحال نقاط مطالبویه سوقی شمدلک متعسر ایسه هر وقت امرحکومه مهیا بولنه جق بر قوه کلیه نیک تعلیم وتربیه سنک عاجلاً اکلندن متولد فواید عظیمه مستغنی عرضدر. بناء علیه علما، مشایخ، رؤسانک ارشاداتی حکومتیزک رهبر- لکیله طاوورلرک تشکیلی وتعلیم ونواقصلرینک اکللی وپیدرپی اراده بیوریله جق سمته سوقلرینه دائر مقام سامیلرینه اعیانندن سید عبدالقادر افندی حضر تلری واسطه سیله مقدم ۲۰ کانون اول سنه ۳۲۸ تاریخلی تلغرافنامه منری ناموس عسکرکی وشرف ملینک اعاده ووقایه سیچون تجدید ایدیلن محاربه نیک اعلامی وسیله سیله تکرار عرض، ایجاب ایدنلرله کردستان والیرینه کیفیتک اراده سی استرحام ایلرز.

کنج مبعوث سابق محمد، مفتی حسن، مشایخن عبدالله، مدرس احمد، اشرافدن محمود، اشرافدن محمد، اشرافدن محمد، اشرافدن اسماعیل ۲۲ کانون ثانی، کنج — بالقان نائرة حربنک تکرار اشتعال ایده-

سکسان اوچ پارچه اشیای مختلفه محال عانده سنه کوندرلیدیکی اداره خانه منزه کوندریلن بر جدولدن اکلشه شد. محترم اینه کول اهالیسنک حمیت اسلامیه ووطنیه لری شایان تقدیردر.

مکه مکرمه دونمائی عثمانی اعانه سی. — مکه مکرمه دن آلدیغمز خصوصی خبرلره کوره مکه مکرمه امیر محترمی دولتلو سیادتلو شریف حسین پاشا حضر تلرینک نظارت هاشمانه لری تحتنده متشکل دونمائی عثمانی مکه شعبه سی طرفندن قبل الحج ۵۸، ۵۷، ۵۶، غروش بعدالحج دخی ۱۲۳، ۳۲۰ که جمعاً ۱،۱۹۷،۴۷۸ غروش اعانه جمع اولمشدر. اشبومبالغ عظیمه نیک جمعنه موفق اولان دونمائی اعانه قومیسونی اعضالری ذوات آتیه دن مرکبدر :

ناظر عمومی امیر مکه مکرمه شریف حسین پاشا حضر تلری، دفتردار ولایت، امیر مکه زاده شریف علی بک افندی حضر تلری، دیکر مخدوم امارتپناهی شریف فیصل بک افندی، حرم شریف مدیری امین افندی، حنفی مفتیسی عبدالله سراج افندی، مفتاحدار بیت معظم عبدالقادر شیبی افندی، ژاندارمه قوماندان وکیلی عثمان بک، قومیسون کاتبی روزنامه چچی علی رضا افندی.

مکه مکرمه ده اعانه هر یبه. — مشارالیه شریف حسین پاشا حضر تلرینک تحت نظارت جلیله امارتپناهیلرنده متشکل قومیسون طرفندن برماه طرفنده جمع ایدیلن حرب اعانه سی (۱،۴۴۸،۱۵۵) غروشه بالغ اولمشدر. بو اعانه یالکیز قبله عالم اسلام اولان مکه مکرمه شهرینک اولوب ملحقات بوکا داخل دکلدر. شمیدی ده خاندان جلیل رسالته منسوب بالجمله شرفاوسادات کرام، علما، مدرسین، اهالی، مجاورین، تجاروکافه قبائل عربان شیخلریله دوه جیلره وارنجیه قدر اعانه حربیه اشتراک ایلشدر.

سبیل الرشاد. — غیر قابل تجزی برووجود معنوی اولان عالم اسلامک یاشامقده اولدیغنی شوهام انکیز کونلرنده مهربان اسلامک مطلع انوار فیوضاتی اولان مکه مکرمه دن بو امر جلیل تعاوی، ایلک تشبیه مهم برمبلغ طویلاندیغنی استبشار ایتک بزم ایچین برحیات نوینه نائلیت قدر قیمتدار برمژده در. بز لایتزل برانیت، براطمئنان قلب ایله امید وارزکه، مهبط وحی الهی اولان کعبه الله العلیانک حضور علویتنده شرف خلافتک، ناموس توحیدک پامال صلیب اولقندن محافظه سی ایچین نجل نجیب رسالتپناهی، امیر علوشان حسین پاشا حضر تلرینک تشبث بو یوردقلری بو امر اهم تعاون نورسحر کی بتون آفاق اسلامه انتشار ایده جک، ان شاء الله آرزومانده امید وانتظارک قات قات فوقنده مبالغ جسمیه طویلانه جقدر.

هندستان :

تظاهرات اسرمیه. — قالكوتادن ۹ کانون ثانیه چکین بر تلغرافنامه ده اشعار اولوندیغنه کوره : مسلمانلر، عثمانیلر ایلنده بر اجتماع یاشلر بو اجتماعه مخاصاتک یکیدن باشلامسنی طلب واوروپانک سکوت غدارانه سنی وانکلترونک بلغار وحشکنه قارشو کوسترمش اولدیغنی لاقیدی بی پروتستو ایتشدر.

§ ۳۰ کانون ثانی تاریخیه آژانس رویتره دا ایدن بیلدیریلور : « لاهور اهالی اسلامیه سی عقد ایتدکلری بر اجتماعه انکلترون حکومتدن عثمانیلر علیهنده اتخاذ اولنه جق تدابیر تضییقیه اشتراک ایتهمسنی وحکومت عثمانیه دن شان اسلامیتی محافظه ویاخود فدای جان ایدلسنی طلبه قرار ویر- م لردر. مقرراتک نهایتنده لاهور مسلمانلرینک عثمانلی قرده شلرینه مخالفت قلبیه لری بیان ایدلشدر.

تاریخ اسلامه آلتون صحیفه لر

اعیان اعضاسنندن سید عبدالقادر افندی حضر تلری طرفندن اولاد اکراده خطاباً یازیلان دعوتنامه دن :

« وطن تهلکه ده در. دشمن دین بک یاقیننده در. مقصدی مقام خلافته

جکئی آژانسر خبر ویریور . حربك مباديسنده بيك ليراي متجاوز اعانه ويرديكمز کي بوکرده مأمورلریمزك برر معاشلرینی اهالمزك برر سنهك تکالیف امیریه سنك بر مثلنی اعانه یه ترك و تسویه بی تعهد ایده رك تأدیاته باشلادق . ایجاب ایدرسه خاک پاک وطنی اعدایه چکنتمه مك ، ناموس ملتی قورتارمق اوزره بدناً دخی ارائه معاونه آماده اولدیغیمزی عرض ایلر ومحترم قاپینهك عزم متینانه لریله محاربه یه مبادرت ایله سنی بکلهرز فرمان کنج اشرفندن مبعوث سابق محمد ، اشرفندن محمود ، مفتی محمد ، بلدیة رئیس آصادور ، اشرفندن محمد ؛ متحیرانندن مانوئل .

۲۰ کانون ثانی قره کلیسا — وطن مقدسمنك تسلط اعدان محافظه واجبه سنك ایفاسته عموم اهالی عشاثرمن حاضردر . کواکلی طابورلر تشکیل ایله موقع حربه حرکتلری ایچون حکومتك امرینه منتظرز فرمان .
بایزید مبعوثی
سلیمان سودی

وثائق تاریخیه

جوابی نوظه

۱۷ کان نانی سنه ۳۲۸ پنجمینبه کونی بعدالظهر خارجیه ناظری سعید حایم پاشا حضر تلری ط فذ ن ، دول معظمه نك مشترك نوظه سنه جواباً سفرانك الكقدمایسی اولان آستریا - مجارستان سفیری مارکی پاللاویچنی حضر تلرینه تقدیم ا لنان نوظه نك صورت مترجمه سیدر :

« زیرده واضع الامضا خارجیه ناظری ، آوستریا - مجارستان ، انکاتره ، فرانسه ، آلمانیا وایتالیا سفیرلرینك شهرحاکک اون یدیس تاریخنده سلفنه تودیع ایتدکلری تقریر مشترك مفادینه اطلاع حاصل ایلشدر .

حکومت سنیه عثمانیه عقد صلحك آمال ومنافع عامیه توافق ایتدیکنی تصدیقه تردد ایتمز وهیچ بروجهله سببیت ویرمدیکی برحربك ممکن مرتبه سرعتله ختامه ایردیرلسی مناسب اوله جغنی تسلیم ایلر .

مارالذکر تقریرده دولتسر ، حکومت سنییه ادرنه نك بالقان دول متفقه سنه ترکی وجزایر بحرسفیدك مقدراتی حقنده قرار اتخاذی خصوصنك کندیلرینه حواله سی توصیه سنده بولنمقده فائده کورمشلدر . حکومت عثمانیه پک عظیم فداکارلر اختیار ایده رك فکر ائتلاف پرورانه سنك ناقابل رد وجرح دلالتانی اظهار ایتش اولدیغنی تبیین ایتکی وجبیه دن عد ایلر .

ادرنه شهری اساساً بربلده اسلامیة و ترکیه نك ایکنجی پاتخی اولق و دولت عثمانیه یه لایزال روابط ایله مربوط بولنق حسبیله شهر منبورک ترکی روایتی بیله بتون مملکتده اوپله برحس انفعال اوپله بر حرکت غلیان مال تولید ایتشدرکه سابق قاپینه مجبور استعفا اولمشدر . بونکله برابر حکومت عثمانیه افکار مصلحانه سنك صوک بربرهاتی ابراز ایتش اولق ایچون ادرنه شهرینك مرچیک ساحل یسارنده کی قسمنی آلیقویه رق ساحل یمیننده بولنان قسمی حقنده دولتلك رأینه حواله کیفیت ایتکه میالدر . جوامع و صراقد و سائر دینی و تاریخی آبدات شهرک مرچیک نهرینك ساحل یسارنده کی قسمنده کاش بولندیغنی جهنله بوقسمنك طوغریدن طوغری یه زیر حاکیت عثمانیه ده قالمی حکومت سنییه ایچون اوپله برواجبه درکه مملکتی غایت وخیم نتایج تولید ایده بیله جک برصدمه یه معروض براقسزین بو واجبه یی اها ل ایتک غیر ممکندر .

جزائر بحرسفیده کلنجه : حکومت عثمانیه بو آطه لردن بر قسمنك چناق قلعه بوغازینه مجاور تلری حسبیله پاتختك مدافعه سی ایچون لابد بولندیغنی کی آسیای عثمانینك اجزای متممه سنندن بولنان قسم دیکرینك ده اناطولینك تأمین سلامتی ایچون اونسبتده لابد بولندیغنی تبیینه لزوم حس ایدر . حکومت عثمانیه نك بو آطه اوزرنده کی حکم ونفوذینی تقلیله معطوف اوله بیله جک هر هانکی بر صورت

تسویه بولری ، دائره تأثیرلرینی سواحل متجاورده یه توزیع ایده بیله جک برر کانون فساد حالته افراغ ایدر و بونک نتیجه سی اولارق اوروپانك حضور و آرایشنی تهدید ایده کلش وحالا تهدید ایتکده بولنش اولان ماکدونیانك حال سابقته مشابه بر حال فترت اشتمال تولد ایتش اولور . اوپله بر صورت تسویه نك افکار عمومی عثمانیه اوزرنده حاصل ایده بیله جکی تأثیرات الیه دن قطع نظر دوامی بر مملتک تأسسنی و دولت عثمانیه نك مکتت و عمرانی آرزو ایتکده بولنان دولتلك امللرینه ده مغایرتی درکاردر . بنساء علیه باب عالی ملاحظیات مشروجه نك و برده باب عالینك اوروپا منافع عالیه سنه تعلق ایدر بر مسئله اولق اوزره تلقی ایله یکی چناق قلعه بوغازینك تمامیت موقعیه سنه اعتنا اولنق لزومنك نظر دفته آلتسی شرطیله بالقان دولتلك یداشغاننده کی آطه لرك مقدراتی حقنده دولتله ججه ویریله بیله جک قراری قبول ایده بیلیر .

حکومت عثمانیه دول معظمه نك شمیدی یه دکن کوسترلین فداکارلرک وسعتنی فکر نصفت ومعدلتکاریلری اقتضاسنجه تقدیر و آتیباً بالقان متفقلری طرفلرندن درمیان اولنه بیله جک هر کونا مطالب ومدعیات جدیده یی باب عالینك رد ایتکه حتی اوله جغنی تسلیم ایده جکلرینه قناعتی واثقدر .

باب عالی مصائب حربك ازاله تأثیراتی ومنابع ثروت مملکتك ساحة استفاده یه وضی امرنده کی مظاهرت مادیه ومعنویه لرینه متعلق تمایلات ومواعید خیرخواهانلرینی برحس حقیقی ممنونیتله سند اتخاذ ایدر . بومقصده وصول ایچون دولت عثمانیه نك کمال سربستی ایله سربست برکربک تعرفه سی تنظیم و حقوق حاضره دول اساسنه مستنداً معاهدات تجاریه عقد ایتک وتبعه عثمانیه نك الیوم تابع بولندیغنی بولنه جغنی قوانین ونظامات رسومیه عثمانیه یی اجانبه تشمیل ایتک خصوصنده کی حقیقی شمیدین تسلیم و بولنک تطبیقنه دکن کربک رسمنه یوزده درت ضمنه موافقت ایللری لابددر .

حکومت عثمانیه پوسته معاملاتنی نقطه نظرندن ایجاب ایدن اسباب سرعت ومصونیتك تجارت عامیه بخش وتأمینی ایچون بالسوله تعیین اولنه بیله جک شرائط تحتنده اوله رق ممالک عثمانیه ده کی اجنبی پوسته خانه لرك الغاسی دخی اودرجه لابد بولندیغنی و برده ممالک عثمانیه ده جاری عهد عتیقه اصولنی رفع ایلک وبعالمصالحه بومقصده وصول چاره لرینی متفقاً تذکر ایتک اوزره مذاکراته کیریشمک آرزوسنده بولندقلرینه دائر دول معظمه جابندن بیانات وقوعی مارالذکر نوظه لرنده مندرج مواعیدك قوه دن فعله ایصالنه خادم برزمره تدابیر تشکیل ایله جکی فکر واعتقادنده در .

نسخ متارکه تلغرافنامه سی

بلغار اردوسی قوماندانی جنرال صاووفک متارکه نامه نك مفوخیتنه دائر محمود شوکت پاشایه کشیده ایتدیکی تلغرافنامه صورتی در :

دیمتوقه : ۱۷ کانون ثانی ۱۹۱۳

اردوی عثمانی شاهانه باش قومانداننی جانب عالیسنه :

لوندرده کی مذاکراتك منقطع اولدیغنی ذات فخیمانه لرینه اشعار ومتارکه پروتوقولنك دردنجی ماده سنه تویفاً اشبو تبلیغ تاریخندن اعتباراً درت کون سوکره یعنی رومی ۲۱ کانون ثانی یه مصادف بازار ابرتسی کونی آقشام ساعت یدیده مختصاته مباشرت ایده جکئی عرض ایله کسب شرف ایلرم .

امضا : بلغار اردوسی باش قوماندانی صاووف

مشیر محمود شوکت پاشا حضر تلری تبلیغات واقعه یه مطلع اولدیغنی

جنرال صاووفه جواباً اشعار ایلشدر .

محمد عاکف بک ایلمغنی موعظه سی : بارین ، جمعه دره صوکره

فایح جامع شریفنده .

مطبعة احمد احسان و شرکاسی مدیر مسئول : اشرف ارباب